

- pessumdatur: neque hic mundus, nec ulterior, nec felicitas
 41. eius est, qui dubitationi indulget. Eum qui in devotione
 opera sua deposuit, qui scientia dubitationem discidit, spiri-
 talem, non constringunt vinculis opera, o contemtor opum.
 42. Quapropter ex ignorantia progenitam cordi infixam dubitatio-
 nem ense scientiae tuae discindens, ad devotionem conversus,
 age exsurge, o Bhârata!

LECTIO V.

ARJUNAS loquitur:

1. Abdicationem operum, Krishna, et altera ex parte exerci-
 tationem laudas: utrum horum sit melius unum, id mihi de-
 clara bene deliberatum.

ALMUM NUMEN loquitur:

2. Abdicatio et exercitatio operum, utrumque beatitudinem
 parit; horum tamen prae operum abdicatione exercitatio ope-
 3. rum aestimatur. Iudicandus est is constans abdicator, qui
 neque aversatur nec desiderat: qui autem a gemino affectu
 4. immunis est, o heros, nullo negotio vinculis exsolvitur. Di-
 sciplinam rationalem et activam seorsum nuncupant pueri,
 non itidem docti: alterutri duntaxat deditus simul utriusque
 5. percipit fructum. Quae disciplinis rationalibus occupatur
 statio, ad eandem quoque devotionibus pervenitur. Unam
 eandemque esse disciplinam rationalem et devotionem qui
 6. cernit, is vere cernit. Abdicatio autem, o heros, difficilis
 est ad adipiscendum sine devotione: devotioni devotus ana-
 7. choreta ad numen haud longo tempore accedit. Devo-
 tioni devotus, mente castus, sibi ipsi imperans, sensuum do-